

ТИББИЁТДА ҚЎЛЛАНИЛИШИГА ДОИР ЙЎРИҚНОМА

Риномакс® ИНГО

Ушбу йўриқномани дорини қабул қилишни бошлашдан олдин диққат билан ўқиб чиқишингизни илтимос қиламиз. Унда Сиз учун муҳим маълумотномалар мавжуд.

Қўллаш бўйича маълумотни тутувчи ушбу қўлланишига доир йўриқномани сақлаб қўйинг, чунки кейинчалик Сиздан уни яна бир бор ўқиб чиқишга зарурат туғилиши мумкин.

Илтимос, хар қандай қўшимча маълумот ёки маслаҳатни олиш учун ўз шифокорингиз ёки фармацевтга мурожаат қилинг.

Сизнинг шифокорингиз ушбу дори препаратини шахсан Сизга буюрган. Уни Сиз бошқа шахсларга бериб юборманг. Препарат, ҳаттоки уларнинг касаллик симптомлари Сизники билан ўхшаш бўлса ҳам, уларга зиён етказиши мумкин.

Препаратнинг савдо номи: Риномакс® ИНГО

Таъсир этувчи модда (ХПН): бензидамин гидрохлориди

Дори шакли: орофаренгеал спрей, эритма

Таркиби:

1 мл спрей куйидагиларни сақлайди

фаол модда: Бензидамин гидрохлориди 1,5 мг;

ёрдамчи моддалар: глицерол, 96% ли этанол; сахарин; натрий гидрокарбонати; метилпарагидроксibenзоат; қалампир ялпиз барглариининг мойи; полисорбат 20; тозаланган сув.

Таърифи: тиник, рангсиз суюқлик.

Фармакотерапевтик гуруҳи: оғиз бўшлиғининг касалликларини даволаш учун бошқа препаратлар.

АТХ коди: A01AD02

Фармакологик хусусиятлари

Бензидамин ностероид яллиғланишга қарши препарат ҳисобланиб индазол гуруҳига тегишли. Яллиғланишга қарши ва маҳаллий оғриқ қолдирувчи таъсирга микроорганизмларнинг кенг доирасига қарши антисептик таъсирга эга. Препаратнинг таъсир механизми хужайралар мембраналарининг турғунлиги ва простагландинларни синтезини ингибиция қилиш билан боғлиқ.

Бензидиамин хужайраларнинг структурасини шикастланиши, метаболик жараёнларни ва лизосома хужайраларини бузилиши билан микроорганизмларни мембраналар орқали тез ўтиши ҳисобига бактерияларга қарши ва специфик микробларга қарши таъсир кўрсатади.

Candida albicans нисбатан микробларга қарши таъсирга эга. Замбуруғларнинг хужайра деворини ва уларни метаболик занжирларни структурали модификациясини чақиради ва шундай қилиб уларни репродукциясига тўсқинлик қилади, бу оғиз бўшлиғининг яллиғланиш, шу жумладан инфекциян этиологияли жараёнларида бензидаминни қўллашига асос бўлади. **Фармакокинетикаси**

Препарат маҳаллий қўлланганда шиллиқ қаватлар орқали яхши сўрилади ва яллиғланиш тўқималарига ўтади, тизимли самаралар олиш учун етарлича бўлмаган микдорда қон плазмасида аниқланади.

Препаратни чиқарилиши асосан буйрак орқали нофаол метаболитлар ёки конъюгация маҳсулотлари кўринишида амалга ошади. Маҳаллий қўллаш учун дори шакллари тизимли таъсирга эга эмас.

Қўлланилиши

Қўзғалувчанлик ва яллиғланиш ҳолатларини, шу жумладан оғиз бўшлиғининг ва томоқнинг оғриқли синдромини симптоматик даволаш (масалан глоссит, стоматит, фарингит), ва шунингдек тишларни олиб ташлаш ёки консерватив даволашдан кейин қўлланади.

Тўғри фойдаланиш ҳақида маълумот

Қўллаш усули ва дозалари

Риномакс® ИНГО дан доимо шифокор тавсиясига амал қилган ҳолда қўлланг. Агар бирор нарсага ишончингиз комил бўлмаса, шифокорингиз ёки фармацевтдан сўранг.

Маҳаллий қўлланади.

Катталарга (шу жумладан кекса ёшли пациентларга) ва 12 ёшдан катта болаларга кунига 2-6 марта 4-6 сепишдан буюрилади.

Болаларга (3-6 ёшли) 1 сепишдан боланинг ҳар 4 кг тана массасига буюрилади, максимал доза – кунига 2-6 марта 4 сепишдан буюрилади.

Болаларга (6-12 ёшли) кунига 2-6 марта 4 сепишдан буюрилади.

Тавсия қилинган дозадан оширманг.

Ножўя таъсирлари

Ҳар қандай дори препаратлари каби Риномакс® ИНГО ҳам ножўя реакциялар чақириши мумкин, бироқ улар ҳаммада ҳам бўлмайди.

MedDRA таснифига мувофиқ нохуш реакциялар тез-тезлиги қуйидагида келтирилган:

жуда тез-тез ($\geq 1/10$);

тез-тез ($\geq 1/100$, $< 1/10$);

тез-тез эмас ($\geq 1/1000$, $< 1/100$);

кам ҳолларда ($\geq 1/10000$, $< 1/1000$);

жуда кам ҳолларда ($< 1/10000$);

номаълум (мавжуд маълумотлар бўйича пайдо бўлиш тез-тезлигини баҳолаш имконияти йўқ).

Иммун тизими томонидан бузилишлар: тери тошмаси, жуда кам ҳолларда: ангионевротик шиш.

Нафас тизими, кўкрак қафаси ва кўкс оралиги аъзолар томонидан бузилишлар: жуда кам ҳолларда: ларингоспазм.

Умумий бузилишлар ва юбориш жойида бузилишлар: фотосенсибилизация, оғиз қуриши, оғиз бўшлиғида увишиб қолиш ҳисси, оғиз бўшлиғини ачишиш.

Дори воситасини қўллашдан олдин керак бўладиган маълумот

Қўллаш мумкин бўлмаган ҳолатлар

Таъсир этувчи (бензидамид гидрохлориди) ёки бирон-бир ёрдамчи моддаларга юқори сезувчанликда қўллаш мумкин эмас.

Дориларнинг ўзаро таъсири

Агар Сиз бошқа дори препаратларни қабул қилаётган бўлсангиз ёки яқин орада қабул қилган бўлсангиз, бу ҳақида шифокор ёки фармацевтга хабар беринг, ҳатто рецептсиз берилса ҳам.

Препаратнинг бошқа дори воситалари билан клиник аҳамиятга эга ўзаро таъсирлар аниқланмаган.

Махсус кўрсатмалар

Препарат аллергия реакция чақириши мумкин бўлган метилпарагидроксибензоат сақлайди.

Спорт билан шуғулланадиган пациентлар учун: этил спирти сақловчи дори препаратни қўлланиши айрим спорт федерациялари томонидан тасдиқланган қонда алкогольни сақланиш чегарасига мувофиқ допинг синамаси мусбат натижа бериши мумкин.

Ҳомиладорлик ва лактация даврида қўлланиши

Ҳомиладор ва эмизикли аёлларда бензидаминни қўлаш бўйича клиник маълумотлар етарли эмас. Дори ҳомиладорлик ва лактация даврида эҳтиёткорлик билан қўлланиши керак.

Автотранспортни бошқариш ва механизмлар билан ишлаш қобилиятига таъсири.

Препарат транспорт воситаларни ёки бошқа механизмларни бошқариш қобилиятига таъсир қилмайди.

Дозани ошириб юборилиши

Сизга буюрилган дозадан юқорироқ доза қабул қилинганида дарҳол шифокорга мурожаат қилинг!

Қўзғалувчанлик, конвульсиялар, терлаш, атаксия, тремор ва қусиш каби дозани ошириб юборилиш симптомлари ва болаларда тахминан 100 мартага тавсия қилинган бензидамин ошувчи дозасидан перорал қабул қилингандан кейин жуда кам ҳолларда аниқланган.

Дозани ошириб юборилиш ҳолатларида фақат симптоматик даволаш ўтказиш мумкин; қусиш чақириш ёки меъдани ювиш орқали меъдани тозалаш керак, бунда бемор тутиб турувчи даволаш ва етарлича гидратация билан шифокор назорати остида бўлиши керак.

Чиқариш шакли

30 мл дан, комплектда оқ қалпоқча билан механик насос ва сепувчи клапан билан мослама ёрдамида герметик беркитилган тўқ шиша флаконларида.

1 флакондан тиббиётда қўллашга доир йўриқномаси билан бирга картон қутига жойланади.

Сақлаш шароитлари

25°C юқори бўлмаган ҳароратда сақлансин.

Ёруғликдан ва намликдан ҳимояланган оригинал ўрамда сақлансин.

Болалар ололмайдиган жойда сақлансин!

Яроқлилик муддати

3 йил

Яроқлилик муддати ўтгач қўлланилмасин.

Дорихоналардан бериш тартиби

Рецептсиз

Ишлаб чиқарувчи номи ва манзили

КП „Флумед-Фарм” МЧЖ, Молдова Республикаси

Четатя Албэ кўч.,176, Кишинев ш.

Тел. (+373 22) 52 28 69

Факс. (+373 22) 52 14 52

Е-майл: flumed-farm@hushmail.com

Ўзбекистон Республикаси ҳудудида дори воситаларининг сифати бўйича эътирозлар (таклифлар) ни қабул қилувчи ташкилот номи ва манзили:

«NIKA PHARM» МЧЖ,

Ўзбекистон Республикаси, Тошкент ш., Сайрам 7-тор кўчаси, 48-А уй.

Тел.: +(99878) 1508668; Факс: +(99878) 1508448.

www.nikapharm.uz